



Inatsisartunut ilaasortaq Doris Jakobsen
Inatsisartut Allattoqarfiat
Maani

Inatsisartut suleriaasianni § 37 naapertorlugu apeqqummut nr. 2011-157-imut akissut.

30. marts 2012

Postboks 1614
3900 Nuuk
Tlf. (+299) 34 50 00
Fax (+299) 32 52 86
E-mail: nnpn@gh.gl
www.nanoq.gl

Apeqqutigineqartunut atatillugu Naalakkersuisut kommunefogedit atugarisaat pillugu Nunatsinni Politimesterimut paasissutissanik piniarput.

Politimesteri paasissutissanik imaattunik nassiussaqrpoq:
Issuaaneq aallartippoq:

“Pinerluttulerinermik inatsimmi aalajangersakkat naapertorlugit kommunefogedit inuit pisortani sulisut illersorneqarnerisa assinganik nakuusernernut siorasaarinernullu illersorneqarput aamma pinerluttulerinermik inatsimmi aalajangersakkat malillugit aserorterriffigineqarnernut. Pineqartup angerlarsimaffia aserorterriffigineqarpat aamma taamatut atorfeqarnini pissutigalugu eqqissiviillortinneqarpat politiiniit ikiorneqarnissaminut ikiorserneqarnissaminullu pisinnaatitaavoq.

Qanoq politiit ikiissanersut ikiorsiissanersullu pissutsit pisut qanoq ittuunerinik naliliineq tunngaviussaaq. Pisumi soorunami apequtaassaaq politiit qanoq periataarsinnaasuseqarnerat, nunaqarfiup qanoq inissisimanagera aamma politiinik isumalluutinik iliuseqarsinnaasunik peqarnerisooq apequtaassalluni, pingaaruteqartussaavortaaq politiinik assartuinermi helikopteri angallat/politiit angallataat atorneqassanersut. Pisumi aalajangersimasumi taakku nalilersorneqassapput.” Issuaaneq naavoq.

Tapiliullugu ilisimatitsissutigineqassaaq kommunefogedit atugaat Naalakkersuisut eqqumaffigimmatigit, matumani allaffeqarnermut aamma isertitsiveqartitsinerimut apeqqutit ilanngullugit. Naalakkersuisut aamma Nunatsinni Politimesterip kiisalu Justitsministerip akornanni oqaloqatigiinnerit tassunga tunngasut ingerlajuarpup ilaattigullu oqaloqatigiissutigineqartup ilagaat pissutsit atugarineqartup qanoq ikiorsiiffigineqarsinnaanersut. Nangittumik Naalakkersuisut tikkuartortuarpup pingaaruteqartoq naalagaaffiup eqqumaffigissagaa kommunefogedit atugaat, matumani kommunefogedit aningaasarsiaqartitaaneranup tunngasut ilanngullugit.

Taamatuttaaq Eqqartuussiveqarneq pillugu Ataatsimiititaliarsuup isumaliutissiissutaa Naalakkersuisut innersuussutigissavaat, tassani kommunefogedit pillugit suliniutissat erseqqinnerusumik allaaserineqarmata.

Eqqartuussiveqarneq pillugu Ataatsimiititaliarsuup kaammattuutai aamma taakku piviusunngortinneqarnissaannup tunngasut tamanup tunngatillugu Naalakkersuisut innersuussutigissavaat tassunga tunngatillugu nassuiaat 2011-ip aallartisimalernerani Inatsis-

inut Ataatsimiititaliami Naalakkersuisut Siulittaasuannit isumasioqatigiinnissamut atattillugu nassiunneqartoq.

Ilisimatitsissutigineqassaarli pingaaruteqarluinnartut, tassalu pinerluttulerinermik inatsip nutaap aamma eqqartuussisarnermi inatsip nutaap akuerineqarnerata nassataanik Kalaallit Nunaanni Eqqartuussivik iluatsilluartumik pilersinneqarmat aamma eqqartuussisunik illersuisunillu ilinniartitsinerit iluatsilluartumik naammassineqarsimmata.

Suliat annertuut ingerlanneqartut tassaapput Nuummi matoqqasumik pinerlussimasunut inissiisarfilionnissaq aamma eqqartuussiveqarfiit pillugit nutarterinissat.

Naalakkersuisut tikkuartortuarpaat naalagaaffimmi pisortanut akisussaasunut Eqqartuussiveqarneq pillugu Ataatsimiititaliarsuup kaammattuutaasa malitseqartinneqarnissaat aamma piviusunngortinneqarneri arriippallaamik pisut. Assersuutitut taaneqarsinnaavoq Nuummi pinerlussimasunut inissiisarfissamik sananissaq kinguaqqavoq piffissamik aalajangigaanngitsumik sanaartorfiguiminarsaanermut aningaasartuutitut tunngasut qulaarneqanngitsut pissutaallutik aamma eqqartuussiveqarfinnik nutarterinissaq kinguartinneqarsimasoq piffissamik aalajangigaanngitsumik.

Inussiarnersumik inuulluaqqusillunga



Anthon Frederiksen